

জনসংযোগ অফিস
জাহাঙ্গীরনগর বিশ্ববিদ্যালয়
সাভার, ঢাকা, বাংলাদেশ
ফোন: ৭৭৯১০৪৫-৫১



Public Relations Office
Jahangirnagar University
Savar Dhaka Bangladesh
Phone: +88027791045-51

প্রেস বিজ্ঞপ্তি

জাবিতে র্যাগিং বিরোধী র্যালি ॥ দেশের শিক্ষা ও সংস্কৃতির সঙ্গে র্যাগিং যায় না

জাহাঙ্গীরনগর বিশ্ববিদ্যালয়, ২৫ ফেব্রুয়ারি ২০১৯।

জাহাঙ্গীরনগর বিশ্ববিদ্যালয় ক্যাম্পাসে আজ দ্বিতীয় দিনের র্যাগিং বিরোধী র্যালি উদ্বোধনকালে প্রধান অতিথি বাংলাদেশ বিশ্ববিদ্যালয় মঞ্জুরী কমিশনের সদস্য অধ্যাপক ড. এম. শাহ্ নওয়াজ আলি বলেছেন, পলিমাটির বাংলাদেশ থেকে আমরা বিশ্ববিদ্যালয়ে শিক্ষা ও গবেষণা করতে আসি। এই দেশের শিক্ষা ও সংস্কৃতির সঙ্গে র্যাগিং যায় না। গ্রাম বাংলার চিত্র আমাদের ধারণ করতে হবে। পরস্পরের মধ্যে সৌহার্দ্য, ভ্রাতৃত্ব ও সম্প্রীতির সম্পর্ক গড়ে তুলতে হবে।

উপাচার্য অধ্যাপক ড. ফারজানা ইসলামের সভাপতিত্বে র্যালির উদ্বোধনী অনুষ্ঠানে প্রধান অতিথি তাঁর ভাষণে আরও বলেন, বিশ্ববিদ্যালয় হলো জ্ঞানের সৃষ্টি ও বিকাশের স্থান। এখানে আবহমান বাংলার পবিত্র সব কিছু ধারণ করতে হবে। নির্যাতন ও নিপীড়ন আমাদের সমাজ ও রাষ্ট্রে বেমানান, এটা পরিত্যাগ করতে হবে।

বেলা এগারোটায় বিশ্ববিদ্যালয় প্রশাসনের উদ্যোগে অমর একুশ- ভাস্কর্যের সম্মুখে র্যালির উদ্বোধনী অনুষ্ঠানে সভাপতির ভাষণে উপাচার্য বলেন, বিশ্ববিদ্যালয় কর্তৃপক্ষ র্যাগিং এর বিরুদ্ধে কঠোর মনোভাব গ্রহণ করেছে। র্যাগিং এ জড়িতদের বিরুদ্ধে সর্বোচ্চ শাস্তিমূলক ব্যবস্থা গ্রহণ করা হবে।

র্যাগিং বিরোধী র্যালি উদ্বোধনের আগে জাতীয় শোক পালনের অংশ হিসেবে চকবাজারে ভয়াবহ অগ্নিকাণ্ডে নিহতদের স্মরণে এক মিনিট নিরবতা পালন করে নিহতদের আত্মার শান্তি কামনা এবং আহতদের দ্রুত আরোগ্য কামনা করে দোয়া করা হয়। এ উপলক্ষে বিশ্ববিদ্যালয়ে জাতীয় পতাকা অর্ধনমিত রাখা হয়েছে এবং কালো ব্যাজ ধারণ করা হয়েছে।

র্যাগিং বিরোধী র্যালিতে অন্যান্যের মধ্যে প্রো-উপাচার্য (প্রশাসন) অধ্যাপক ড. মো. আমির হোসেন, প্রো-উপাচার্য (শিক্ষা) অধ্যাপক ড. মো. নুরুল আলম, কোষাধ্যক্ষ অধ্যাপক শেখ মো. মনজুরুল হক, ছাত্র-কল্যাণ ও পরামর্শদান কেন্দ্রের পরিচালক অধ্যাপক ড. রাশেদা আখতার, সিনেট ও সিন্ডিকেট সদস্য, বিভিন্ন অনুষদের ডিন, রেজিস্ট্রার, প্রভোস্ট, প্রক্টর, বিভিন্ন বিভাগের শিক্ষক, ছাত্র-ছাত্রী, কর্মকর্তা ও কর্মচারীগণ অংশগ্রহণ করেন। ‘অমর একুশ’ ভাস্কর্যের সম্মুখ থেকে শুরু হয়ে র্যালিটি ক্যাম্পাস প্রদক্ষিণ করে পুরাতন কলাভবনে গিয়ে শেষ হয়। এখানে প্রো-উপাচার্য (প্রশাসন) অধ্যাপক ড. মো. আমির হোসেন র্যালির সমাপ্তি বক্তব্যে র্যাগিং প্রতিরোধের বিষয়ে কর্তৃপক্ষের দৃঢ় অবস্থানের কথা জানান।

পরিচালক (ভারপ্রাপ্ত)
জনসংযোগ অফিস